

Monumento na Zoutmanstraat ta haya su beyesa bek



ORANJESTAD – Monumento na Zoutmanstraat ta haya su beyesa bek. Fecha stipula pa entrega ta dia 8 di september 2014.

“E edificio riba su mes ta hopi leu caba. Tur trabou di verf y mosaico ta cla. Nos ta wardando solamente e parti di porta y benta y tambe aircó.”

Asina Directora di oficina di monumento Yvonne Webb a duna di conoce. Atencion na detaye y ampliacion den e funcion di e edificio ta bira

e ultimo retonan den restauracion di ex Museo Numismatico na punto di Zoutmanstraat. Sra. Webb-Kock a splica cu tur cos ta bayendo bon y tambe ta contento di por anuncia cu e trabounan adicional necesario no ta surpasa e presupuesto original di e proyecto.

Porta y benta ta masha particular den su diseño y sistema di aircó ta necesario pa acomoda e oficina cu awo ta bay ocupa e di dos piso.

Entrega di aircó tabatin un



contratiempo pero ya caba ta trahando pa alivia e situacion. ‘Eseyan ta cosnan cu ta pasa riba proyectonan. Tin biaha bo ta haya noticia no agradabel y bo tin cu wak con hopi bo por soluciona esaki.’ Asina e director di oficina di monumento a splica.

Pa loke ta porta y bentananan, esaki a existi hopi investigacion pa pinta exactamente con nan ta.

Den trabou di restauracion mester ta hopi detayista y den caso di Zoutmanstraat tabatin bentananan di diferente grandura y hopi decoracion.



“Manera nos ta bisa krulletjes y rondjes.” E contratista a comenta. E contratista

a opta pa laga un compania grandi na Corsou fabrica nan pa keda cla mas lihe. □